

續修陝西省通志稿

第一百十八冊

卷二百二十

續修陝西通志稿卷二百二十

文徵二十

詩四

毛亞蓑

字漢詩三原縣人咸豐時歲貢生候選訓導著有愛吾廬詩集八卷愛蓮詩話二卷

述古

眞是伯溫兒煌煌天語貴一字挾風霜千秋猶悚悸忠過嘯虎昆
烈比臥龍嗣松柏無弱植桃李多春意堪羨丹桂枝柯葉無改易
可憐樗櫟材繩墨無所試

書董夫子天人策後

毛亞蓑

祖龍焚詩書孔孟道已喪刑名簧鼓時綱常盡欺誑天未喪斯文
篤生江都相三策究天人初日青霄上返樸乃歸眞黜霸自興王
千秋萬歲間聖道明無障

老柏

毛亞蓂

不受雪霜侵青松同一林乾坤千尺幹日月百年心殷代社成古
武侯祠到今大材蟠厚力曠達寄高吟

寒夜

毛亞蓂

寒夜靜無聲衰年愁緒縈雪霜兩鬢迫關隴幾時清暗暗蟾猶待
奄奄蛇且更茶然身世感不寐聽鷄鳴

遣興

毛亞蓂

三月錦城春詩情客子新萬家沽酒市一路賣花人地闊連梁益
天寬覆蜀秦閒來吟杜句披豁契吾真

復館街子村

毛亞蓂

地憶曾遊處人思再結緣菑畬無限好桃李有餘妍談學三生幸
論文千載前東風吹綠草樂趣自陶然

除日

毛亞萇

方寸常懷萬緒愁窮途浩浩歎無休風塵混迹誰青眼時序催人
易白頭片片閒雲歸遠岫匆匆夕照返荒邱相逢寡合悲身世况
復今宵歲不留

讀駱文忠公年譜

毛亞萇

西南烽火蔽崇巒獨坐紆籌力已殫十載肅清湘水靜五年鞏固
蜀山安盛才陽濟軍容整疊陣吳璘賊膽寒譜系于今披讀處口
碑不盡淚洑瀾

癸酉元日感懷

毛亞萇

一律青陽轉秀巖十年離亂掃天機吟詩漸覺調宮羽飲酒真堪
立史監在室桂蘭宜自養當門蒿艾早爲芟徒傷老大名難就也
聽銀旛笑阿咸

九日感懷

毛亞萇

亂餘逢節倍添愁雨葉風枝攪未休滿地黃花看不盡道光二十

五年秋

自注甲辰乙巳間友人薛菊百種秋來書舍燂燂可賞

送春二首

毛亞萇

黃鶯織柳絲絲舞紫燕穿花剪剪飛九十韶光將盡日不知何處
覓春暉

春風相別動經年處處鶯花故故憐一寸光陰容易過十分心事
向誰傳

明宮詞

毛亞萇

三千掃雪輪番淨五百揀花取次新獨有觀花殿中雪掃除不去

是長春

自注野獲編大內有雪後京營撥三千五百人掃雪輪番出入每歲俱然南京舊制揀花舍人額設五百人蓋供宗廟薦

新及玉食膳餽之用又四神祠有觀花殿更永寧宮曰長春宮

英華殿裏菩提樹聞道九蓮菩薩栽百歲慈容崇祀日圓瑩可有

佛珠來

自落瑩潤圓整可作英華殿菩提樹兩所植太后上賓神廟上

尊號曰九蓮菩薩殿
慈容于樹北之別殿

山中貢採眞談虎君側逢迎總挿貂只聽東華門內語皇恩橋作

忘恩橋

自權不與區大側惡詩貢探山川謁徵中官初入虛選進東華門內軍

有皇恩橋俗呼忘恩橋以中
官既貴必響所生蓋恥之也

皺劈飛雲復結煙遂呼天下老神仙丹青眞個留心賞髥竹何時

祕輞川

自動從背明後久記孝宗於仁智殿觀鍾欽禮作畫見其皺劈飛

內後墮地破有丹漆巨槌一王摩詰畫不知幾年

甕繭親繅蠶女室條桑高拂兔兒山金根車過昭和殿十七娥猫

擁翠鬟

自七人注嘉靖祀典九年二月皇后親蠶點差採桑命婦一十

蠶室成詩娥猫御
王母玉佩降瑤池

樂伎女兒習樂歌西華歡幸竟如何內宮自領中軍隊別殿應呼

黑老婆

良自注退食筆記騰喜殿用黑琉璃瓦武宗實錄上幸武悅樂伎劉

西兩官廳射者禁中視團營又自領

霞蔚雲蒸太液池金鰲玉螭蟠虬螭羣仙夜奏通明殿十里湖光

一道移

雲自注耳談西內海子即上太液池有斗牛即虬螭類遇雨作

山後何在湖破人裂是一夜聞已徒浪跳擲之

弓樣月眉月樣弓鳳衫窄窄粉添紅仙娥列隊依回鵲天子折衝

慣當熊

雕自注弇州山人集正德宮詞窄衫盤鳳稱身裁玉靶

吳錫岱

用字魯瞻乾州人道光癸卯舉人咸豐壬子進士直隸即

狄梁公祠

唐室有良輔忠懷何太苦當時政已非臨朝乃女主適公位其間
奸邪莫能侮守正本不阿模稜非其伍東宮歎廢遷改李將為武

母子暗調停袞闕惟公補一語暗回天姑非姪所祖前星隱復輝
中天得再覩寄命並託孤相業高房杜況公政治精淫祠焚江浦
桃李植公門黨援非所樹睠懷倍神馳心香然一縷大節炳日星
安能僕僕數虎拜祝祠前神靈保斯土

寶氏雙節崖

吳錫岱

正氣滿乾坤芝醴無根源烈哉寶氏女千古兩貞媛芳體如冰潔
畏賊先引決懸崖百丈深姊妹花成血珠玉痛摧殘聞者爲心酸
同懷共義氣苦節乃不單崖前草不碧土色盡爲赤一死重如山
男子遜巾幗

岳鄂王祠

吳錫岱

朱仙鎮上陣雲黑三軍奮勇爭殺賊十年辛苦費經營誓將滅此
而朝食豈知金牌來十二垂成之功一旦棄萬騎南旋枉痛心兩

宮北望空揮淚我聞古人有軍令將在外不受君命胡不直搗黃
龍府迎回二帝蘇萬姓而後解甲謝君前不敢逃刑軀願捐此時
縱死應無悔不致遺恨千百年吁嗟此舉亦快意特恐人譏臣專
權況有奸相伺其短趨歸急急敢遷延朝廷從此不用兵甘心事
虜和議成翻忌威名驚敵國遽興冤獄壞長城雖曰賊檜殺將軍
高宗何竟漠不聞頓使倉皇傾大樹西冷荒草埋孤墳風塵擾攘
游縲控道出湯陰渾似夢幸瞻遺像欽英風殿前戴拜有餘痛

題畫

吳錫岱

生綃一幅剪裁工凜凜松崖怒吼風漢室何須求故劍楚人原許
得遺弓書聲捲入寒濤裏棋局安來夕照中楓樹儼從堂上見題
詩不信杜陵翁

壽寶鷄李明府

吳錫岱

丹桂初芳月正圓
碧鷄山下敞瓊筵
王喬每見飛雙鳥
劉寵何曾濫一錢
棠舍風清無犬吠
蘭陔日暖喜鶯遷

自注公前
新得同知

茂陵人亦

躋堂祝兩地
謳思譜管絃

自注公前
任興平

班婕妤

吳錫岱

秋風時節最銷魂
記得君王雨露恩
每到團圓明月夜
卻將長信當長門

宏道堂八詠呈路鸞洲夫子

錄四

吳錫岱

雨後嵯峨遠黛橫
捲簾嵐氣撲前楹
看山應悟行文訣
天外奇峰

勢不平

嵯峨山房

廉讓端宜此地稱
一潭門外碧渟澄
鹿原秋雨奔流急
何事觀濤

向廣陵

清谷草堂

中天皎皎月輪孤
招得清光入座無
萬籟無聲庭似水
三生只合

住冰壺

明月庵

灑灑仙風滌素襟晴窗恰對古桐陰停琴未見成連迹且向三山

畫裏尋

清風軒

許時

字子進中涇陽縣人咸豐壬子翰林院編修

柏齋圖寫成並賦

洗出新竹半攬空霜皮溜雨溼青銅愛他階下一雙立相對無言

老愈恭

不怨空山老此材風饕雪虐意恢恢他時大廈資梁棟記取曾經物色來

竊兵符

許時

羈軍艱下萬貔貅玉貌紅顏一種愁妾自不甘秦帝號可憐公子

道恩仇

懷清台

許時

臺下山川失祖龍
臺邊高臥足清風
史遷亂例真兒戲
竟使名留貨殖中

題女史吟詞

許時

鳳鸞天半奏雲和
似說人間好事多
招得姬姜魂魄至
神巫踏遍柘枝歌

雨頭雜俎接風騷
多少兒童篆刻勞
解識張王真意在
鐵厓樂府尙粗豪

姚樹年

涇陽縣人
豐壬子舉人咸

水仙花

靜夜滌塵氛
湘簾透明月
道士宅其中
鼓琴正清絕
飄忽微風來
幽香時可撥
如怨復如慕
脉脉深情結
蘋藻質不馨
芰荷遜清潔

續陝西通志卷一百二十一
况乃富貴花徒共俗眼悅持此謝衆芳永全海上節

遣興

姚樹年

人生貴適志豈效轅下駒軒冕身外物敝屣良不如矧今東南隅
半爲豺虎居蟲沙與猿鶴一例成邱墟憶昔客春明仰借華風噓
一朝不遂意拂袖歸蓬廬村沽饒美醪野圃足嘉蔬兒童習絃誦
父老課耕鋤游談遠朝市娛樂誠有餘無爲黑貂敝徒爾上十書

感時

姚樹年

編戶征徭苦中原戰伐勞諸君半猿鶴我輩且蓬蒿暮色驚遙燧
愁心付濁醪終當勤廟算一爲滌腥臊

村郊薄暮

姚樹年

好風如好友招我出荆扉麥熟黃猶淺槐圓綠正肥山銜殘照入
鳥帶斷雲飛四面農歌裏悠然欲忘歸

雜詩

姚樹年

小鳥唬回午夢闌花枝妥貼竹平安無因機事紛紛出拋卻碁枰
不忍看

籌邊幾輩枉談兵入幕諸君浪得名能使黃巾遙下拜世間誰似
鄭康成

蝸牛負重空遺蛻蝨蝨緣高自隕軀細向物情參出處始知躁進
是危途

李

棠

字陰南涇陽縣人
咸豐乙卯舉人

花門之變與三原令余葵階守城苦潦一句不能假寐遣愁

牽成七絕四首

錄二

黑雲萬疊壓城樓夜雨哀鳴鼓角秋苦潦匝旬今又過聲聲打破
此心頭

續陝西通志 卷二百二十
賊梯已造欲來過幾輩英雄喚奈何果使嬰城牢拒守跳梁豺虎
自投羅

亂後感時事

李棠

天道茫茫遠人情下下流國家多難日身世奈何秋善竟遭凶報
恩翻以怨投誰提三尺劍與子賦同仇

李應莘

字稼門延川縣人咸豐乙卯舉人丙辰進士官河南候補知府著有雙桐書屋詩牘七卷事蹟具人物本傳

雜感

日晚市集散徒衆爭趨歸擾擾名利人至此來往稀月出羣動寂
掩臥息塵機賴此夜氣養真體存幾微雞鳴振衣起坐待朝光晞
出門各有圖意念紛乖違百年苦迫促安辨是與非

不知何代墓翁仲臥道旁相彼馬鬣封閤閱非尋常子孫既式微
叢塚同荒涼牧童踞其巔摩肱升牛羊狐兔起豐草驚竄殊跳梁

迤東有新阡松柏鬱蒼蒼借問誰家墳有子尙書郎嗟無象賢人
誰迪前人光

東鄰有嬌女容止殊窈窕吐辭清且妍秀色餐可飽饑驅走京師
三載迹如掃昨歸偶見之有子已在抱昔時如花人相逢半枯槁
歎息攬明鏡朱顏亦非好

兩馬同一櫪痛癢若相需朝夕共芻秣不忍離須臾一馬矜捷足
騰躑向天衢一馬望弗及哀鳴歧路隅豈不憚鞭策念羣意踟躕
人生不相見安得長歡娛

森森山上柏百尺干雲霄依依澗底籐宛轉附柔條高下本非匹
締固勝漆膠風霜不可殺雨雪不能凋惜哉淩雲姿坐見英華銷
君子慎所因視此天與喬

平原既好士士亦歸平原盟楚脫新穎帝秦折狂言黃金結駟騎

睥睨諸侯尊一朝大廈傾冷落餘朱門平時珠履客幾輩還過存
所貴天下士當報地下恩誰澆趙州土卮酒何足論

新安題壁

李應莘

新安城南殺聲起二十萬人同日死誰令反側不自安咄哉失計
重瞳子秦軍勇銳天下強用之猶足拒漢王三秦兵弱漢兵盛不
待垓下天已亡三章約法父老喜此乃坑殺其弟子一仁一暴強
弱分扛鼎拔山亦徒耳秦皇重武方坑儒羽坑秦卒仍無辜英雄
舉事類鹵莽適爲王者爭驅除嗟乎長平坑趙四十萬即假羽手
殺其半誰言天道無好還立馬臨歧爲三歎

麀伯同年九日招遊西山歸賦長句并呈同遊諸君子

李應莘

燕京形勢雄都會九陌逢迎盡冠蓋十丈紅塵壓頂高誰能放眼